

Taylor Institution

281577

Luther

Vin zafau ynyed yollod

f. l. et. a.

Verzeichnis der Bücher. Leipzig 1835

In dem Kaufhause.

1518

of Feuerlin Bibliothec, symb. p. I pg 356 n. 4.
of Senzer Joffen in der neuen Welt Anstalt Leipzig 1783. 8. p. 18.

~~Arch. II 8~~ 3



1899

Arch. 8° G. 1518 (7)

Die zehen gepot got.

tes. mit einer kurtzen auflegung
jrer erfüllung vnd ybertretüg.
von Doctor Martinus Lu-
ther Augustiner gemacht

2

THE UNIVERSITY OF OXFORD
LIBRARY



Die zehen gebot gottes.

¶ Das erst gepot.

Du solt nit andere göter haben. Einen got haben, das ist einen haben von dem er sich versicht, in allem gutten gefordert, in allem bösen geholffen werden, das wil der eynige warer got selbs sein, vnd auch ist.

¶ Das ander gepot.

Du solt den namen gottes deins herren nit vnnützig anziehen. Dan gotes namen sein auch dise, warheyt, weyßheyt, gütigkeit, krafft vndd alles guten namen ist, sein namen die sol im selbs niemant zu schreyben.

¶ Das dritt gepot.

Du solt den feyrtag heyligen. Die beste feyer ist, das die seel mit allem thun des selben tages, des gewarte, der da erfüllet die hungerigen vnd ledigen mit gütern Luce. 1. Dan feyer das heyst ledig sein.

¶ Das vierde gepot.

Du solt eren dein vater vndd mutter. Die ere steet nit allein in grüssen oder neygen allein, Sonder in thun vnd lassen, alles was jr wille oder notturfft ist.

¶ Das funffte gepot.

Du solt nit tödten. Nit allein tödret, der den todt oder schaden thut, sonder auch der in nit weret vnd vertümet als Augustinus sagt,

¶ Das sechste gepot.

Du solt nit ebrechen. Die ergste frucht der lust des fleyschs nennet er allein, zu beweyfen wie böse die ganze lust sey, auß der sollich vntugent künnet.

¶ Das sibende gepot.

Du solt nit stelen. Fremdsde güter zu sich ziehen, ist ein frucht des geyz vnd begirde, darumb so wirt hie der baum mit den fruchten verboten, geyz vnd was auß geyz volgen mag.

¶ Das acht gepot.

Du solt nit falsch zeugnusß reden wider deinen nechsten.

¶ Das neünde gepot.

Du solt nit Begeren deines nechsten weyb tochter oder magt.

¶ Das zehende gepot.

Du solt nit Begeren deines nechsten hauß oder gut. &c.

Die vbertretung des ersten gebots.

¶ Wer in seiner widerwertigkeyt/zauberey/schwarze kunst/teuffels bund gnossen sucht. Wer brieff/zeychen/kreüter/wöutter/seggen vñ des gleichen gebraucht. Wer wunschruten/schlagbeschwerungen/cristallen sehen/mantelfaren/milchstelen übet. Wer sein werck vñ leben/nach erwelten tagen/hymels zeychen/ vnd der weysßigern duncken richtet. Wer sich selbs/sein vihe/haus/kinder vnd allerley gut. vor wolffen/eysen/feur/wasser/schaden/mit erdichten gebeten segenet vñ beschwere. Wer sein vnglück vñ widerwertigkeyt dem teuffel oder bösen menschen zu schreybt/ vnd nit mit liebe vnd lob/ alles böß vnd gut. von got alleine auff nimbt/ vnd jm wider heym treget mit danck sagen/ vñ williger gelassenheyt. Wer got versucht/ vnd in vnnötige ferligkeyt leybes oder seel sich gibt. Wer in seiner frumkeyt/verstandt oder andern geystlichen gaben hoffertig ist. Wer got vnd die heyligen mit vergessen der seel not/nür vmb zeytlichs nutz willen eret.

¶ Vbertretung des andern gebots.

¶ Wer on not oder auß gewonheyt leichtlich schweret. Wer falschen eyd schweret/oder auch sein gelübte bricht. Wer übelthan gelobet oder schweret. Wer mit gottes namen fluchet. Wer nerrisch fabeln vñ got schweget/vñ die wort der schrifft leichtfertig verkeret. Wer gottes namen nit an rufft in seiner widerwertigkeyt vñ nit gebenedeyt. in lieb vnd layd/in glück vnd vnglück. Wer rum vnd eer/vnd namen sucht/von seiner frumkeyt/weysßheyt zc. Wer gottes namen anrufft falschlich/als die kezer/vnd alle hoffertige heyligen.

¶ Vbertretung des dritten gebots.

¶ Wer fressen/saßfen/spilen/tanzen/müssigen/vnkeuscheyt treybet. Wer saulheyt/ampft gottes verschlafen/verseumen/spacieren/vnnützlich schwezen übet. Wer on sondere not arbeyt vnd handelet. Wer nit beeter/nit chusti leyden bedenckt/nit seine sunde beroret/vñ gnade begert. Also nür mit kleydern/essen/geberden eufferlich feyret.

¶ Vbertretung des vierden gebots.

¶ Wer sich armuts/gebrechens/verachtüg seiner eltern schemet. Wer jnn nit ire notturfft mit speyß vnd kleydern versorgt. Vil mer wer jnn flucht/schlecht/nach redet/hasset/vnd vngheorsam ist. Wer nit von

herzen groß von ihm haltet vmb gottes gebot willen. Wer die gebot der Chriſtlichen kirchen nit haltet. mit faſten/ſeyren ꝛc. Wer püſſerſchafft vneret. nachredet/vnd belaydiget. Wer ſeine herren vnd oberſeyt nit eret/trew vnd gehorſam iſt/ſie ſein güt oder böſe. Hierinne ſein alle ketzer/aberünnigen/apoſtaten/verbanen/verſtockten ꝛc.

¶ Ubertretung des funfften gebots.

¶ Wer mit ſeinem nechſten zürnet. Wer zu ihm ſagt Bacha (das ſein allerley zorns vnd haſſes zeychen). Wer zu ihm ſagt ſatue/du narr/das ſein allerley ſchandtwort/ſläch/leſterüg/nachreden/richten/vrteylen hon ſpüch ꝛc. Wer ſeins nechſten ſunde oder gebrechen rüget/vnd nit bedecket vnd entſchuldiget. Wer ſeinen ſeynden nit vergiſt/nit für ſie ſittet/nit freündlich iſt/nit wol thut. Vnd hierinne ſein alle ſunde des zorns vnd haß/als todtschlag/krieg/rauben/brennen/zancken/hadern trawren des nechſten glücks/ſtrewen ſeins vnglücks. Wer nit übet die werck der barmherzigkeyt.

¶ Ubertretung des ſechſten gebots.

Wer jancſſrawen ſchwecht/eebruch/pluſchanden/vnd der gleich vnkeuſcheyt wircket. Wer vnnatürliche weyſe oder perſonen (das ſein ſtumende ſunde) gebraucht/wer mit ſchamparn worten/lieblein/hyſtorien/bilden/die böſe luſt übet/oder ſeyget. Wer mit ſehen/greyſſen/willigen gedanken/sich reytzt vñ beſleckt. Wer die uſſach nit meydet als freſſen/ſauſſen/mäßigkeit/faulheyte/schlaffen/vnd weyßs oder mans perſonen gemeinſchafft. Wer mit vbrigem ſchmuck/berden ꝛc. andere zu der vnkeuſcheyt reytzet. Wer eins andern keuſcheyt nit hilffs bewaren mit rat vnd that.

¶ Ubertretung des ſibenden gebots

¶ Ober die dieberey vñ rauberey iſt auch der wucher groſſe ſunde Wer falſche gewicht vñ maß braucht/oder böſe war für gut auß giſt. Wer vnrecht erbgüter vnd zins einnimbt. Wer verdienet lon vor helet vnd ſchuldte verlanget. Wer ſeim nechſten dürfftig/nit forget oder leihet on allen auffſatz. Alle die geyzig ſein vnd eylen reich zu werden. Vnd wie ſunſt frembd gut behalten/oder zu ſich bracht wirt.

¶ Ubertretung des achten gebots.

¶ Wer vor gericht die warheyte verſchweyget vnd vntertrucket. Wer ſchedlich leuge vnd betrüge. Item alle ſchedliche ſchmeichler vñ oien

Flaser / zwey zungiger / die vneyngkeyt machen vnd vnfrucht. Wer des
nächstigen gut leben / werck / vñ wort übel auß leget / vnd schmecht. Wer
den selbstigen bösen zungen stat gibe / hilff / vnd nit widersteet.

¶ Ubertretung des neunden vnd zehenden gebots.

¶ Dise zwey letzten gepot gehörien nit in die beichte / sonder sein zill vnnd
mall gesetzt / da wir hyn künien sollen / vnnd teglich durch buß da ar-
beyten / mit hilff vnnd gnaden gottes / dann die böse neyngung stirbt nit
ee gründlich / das fleyschs werde dan zu puluer vnd new geschaffen.

Die erfüllung der zehen gebot gottes.

¶ Die erfüllung des ersten gebots.

Gottes forcht vnnd lieb in rechtem glauben vnd fest vertrauen / ganz
bloß lauter in allen dingen gelassen steen / sie sein böß oder gut.

¶ Die erfüllung des andern gebots.

Loß / ere / gebenedeyung vnd anruffen gottes namen / vnd seinen eygen
namen vnd eer ganz vernichten / das allein got gepreyset sey / der allein
alle ding ist vnd wirckt.

¶ Die erfüllung des dritten gebots

Sich zu got bereyten / vñ gnade suchen / das geschicht mit betten / mess
vnd ewangeli hören / vnd Christi leyden bedencken / vnd also geystlich
zum sacrament geen / dann dis gebot furdert ein geyst / arme seel / die da
res nicht sein vor got opffert / das er got sey / vnd in jr seins wercks vñ
namen bekumme / nach den zweyen ersten gebot.

¶ Die erfüllung des vierden gebots

Williger gehorsam vnnd vntertienigkeyt allerley gewalt vmb gottes
wolgefallen willen / Als der apostel sant Peter sagt / on alles widerbela-
gen / klagen vnd mürmeln.

¶ Die erfüllung des funfften gebots

Gebult / sensfemütigkeyt / gütigk / yt / fridligkeyt / barmherzigkeyt / vnd
aller dinge ein suess / freündlichs hertz / on allen haß / zorn / bitterkeyt
gegen einem yeglichen menschen / auch den seynden.

¶ Die erfüllung des sechsten gebots.

Reuscheyt / zucht / schambafftigkeyt in wercken / worten / begirben / vñ
gedanken. Auch messigkeyt in essen / trincken / schlaffen / vñ alles was
der Reuscheyt furderlich ist.

¶ Die erfüllung des sibenden gebots.

Armut des geysts/miltigkeyt/willigkeyt seiner güter zu leyhen vnd gesen/on allen geyz vnd begirde leben.

¶ Die erfüllung des achten gebots.

Ein fridesame/heylsame zunge die niemant schadet/vnnd yederman frummet/die die vneynigen sinnet/die verlesterten entschuldiget vnd versicht/das ist/warheyte vnd einseitigkeyt in wouten.

¶ Die neünde vnd zehende erfüllung.

Das ist/vollkommene kenscheyt/vnd verachtüg zeylicher löst vñ güter gründlich/das allein in ihenem leben volbracht wirt. Amen.

Faint, illegible text, possibly bleed-through from the reverse side of the page. The text is arranged in several lines and is difficult to decipher due to its low contrast and the age of the paper.



